

**TEZAU LITURGIC**  
**25 OCTOMBRIE**

**ACATISTUL**  
**SF. CUVIOASE**  
**TAVITA**  
**DE LA IOPPE**



**MOSCOVA, 2000**



# Акафист святой праведной Тавифе милостивой

## Кондак 1

Яко Спасову небесномудрую ученицу и благоутробия Божия одушевленную икону, песнями почитаем тя духовными, Тавифо, ты же яко таиннице доброты богодухновенныя умилови нам Единого Благоутробного вопиющим ти:

Радуйся, Тавифо, сосуде, благодати исполненный.

## Икос 1

Ангел показала еси радостотворный, святая, многообразно zde страждущим, сего ради ангельскими тя почестями Христос Бог достолепно почил есть, Егоже милостива сотвори вопиющим ти таковая:

Радуйся, любви божественная сокровищнице;

Радуйся, премудрости вышней гостиннице.

Радуйся, Божию благодать восприявшая;

Радуйся, прелесть разумно оттрясшая.

Радуйся, образе благостыни богатняя;

Радуйся, светильнице божественного света.

Радуйся, глубинно богодухновенных помыслов;

Радуйся, высоту обзорная деяний святых.  
Радуйся, житием своим Христа прославившая;  
Радуйся, добротой просиявшая.  
Радуйся, милосердие всем являющая;  
Радуйся, и нас любити ближних своих  
научающая.  
Радуйся, Тавифо, сосуде, благодати  
исполненный!

## **Икос 2**

Воли тщанием совершенныя взоры души твоя к  
славе Божией простерла еси, и свет веры  
восприяла еси. Темже истинная явилася еси  
Христа ученица, Тавифо блаженная,  
восписующи благих Подателю: Аллилуия.

## **Икос 2**

Благодати исполненная, образом явилася еси во  
жизни добродетельныя и благих сокровищнице,  
евангельская исполняющи повеления: темже  
нраву твоему божественному дивящися,  
воспеваем ти сице:  
Радуйся, закона Христова исполнительнице;  
Радуйся, державы вражия низложительнице.  
Радуйся, образе жития добродетельнаго;  
Радуйся, исполнение глаголов животворных.  
Радуйся, огонь носящая благодати  
божественныя;  
Радуйся, имущая в душе Свет Невещественный.

Радуйся, лозо благоплодная Винограда  
Живоноснаго;  
Радуйся, жено небесномудрая и богоприятная.  
Радуйся, яко Бога человеколюбия последила  
еси;  
Радуйся, яко Дявола  
человеконенавистничество омерзила еси.  
Радуйся, бесплодная суеты нас отвращающая;  
Радуйся, к Свету спасительному обращающая.  
Радуйся, Тавифо, сосуде, благодати  
исполненный!

### **Кондак 3**

Немощных и страждущих врачевала еси,  
крепость от сердца твоего изливавши обильно,  
Христа сими прославляя, бессмертная  
сподобилася еси от Того славы. Темже убо  
невещественно воспеваеши ныне  
Человеколюбивому Богу: Аллилуия.

### **Икос 3**

Воссияла еси во Иоппии дарами  
божественными, Тавифо богомудрая блаженная.  
Христове Церкви жития твоего лучи простерши,  
сими же и мы просвещении обрадовано вопием  
ти:  
Радуйся, сердце милостивное имущая;  
Радуйся, утешение всем подающая.  
Радуйся, души недуги исцеляющая;

Радуйся, верным во всем помогающая.  
Радуйся, милости точащая струи;  
Радуйся, ангельским ревнующая чином.  
Радуйся, серною нарицаемая;  
Радуйся, крине неувядаемый.  
Радуйся, яко тебе ради процвела Иоппия  
древняя;  
Радуйся, яко до днесь почитают тя иоппийстии  
людие.  
Радуйся, яко к заступничеству твоему  
прибегают;  
Радуйся, яко молитв твоих испрашают.  
Радуйся, Тавифо, сосуде, благодати  
исполненный!

#### **Кондак 4**

Умершую тя, плачущим Петр первоапостол  
живою представи, честная Тавифо, жительства  
твоего достоинство всем являя, с тобою Христу  
Спасу вопиющим: Аллилуия.

#### **Икос 4**

Во Иоппию пришедый иногда воздвигл тя есть  
Петр повелением вся Творящаго, темже  
возрадовался убо зело есть, приемля тя живу,  
честная, с ним же молися, милостивая, о  
воспевающих сице:

Радуйся, освященная Богом Словом;  
Радуйся, своим сияющая житием.

Радуйся, закону естества бывшая яко  
мертвенная;  
Радуйся, воскресшая словом веры.  
Радуйся, паки на земли пожившая;  
Радуйся, паки же милосердием своим всем  
послужившая.  
Радуйся, временным успением твоим миру  
явленная;  
Радуйся, испрошающая тому милостивно  
спасение.  
Радуйся, яко силу любви светозарно явила еси;  
Радуйся, яко Духа сияние прияла еси.  
Радуйся, апостолом, воздвигнутая от одра  
смертнаго;  
Радуйся, яко призре Господь на молитву  
верных.  
Радуйся, Тавифо, сосуде, благодати  
исполненный!

### **Кондак 5**

Сострастием твоим и милостями богатыми  
поработала еси, щедрая. Начальнику милости,  
служительница Того преславная и апостолов  
сподвижница явилася еси, яко славная ученица,  
Тавифо, вопиющи к Богу: Аллилуия.

### **Икос 5**

Верую твоею святою и любовью совершенною,  
Тавифо, Спасу Иисусу приблизилася еси, и Того

преславная исполнительнице показала еси заповедей. Тех же светлостью просвети убо благоговейно поющия ти:

Радуйся, лампадо светлосиятельная;

Радуйся, божественной благодати органе.

Радуйся, Спасово богодухновенная  
служительнице;

Радуйся, апостолов святых сподвижнице.

Радуйся, финикс благотворения многоплодный;

Радуйся, свиреле милосердия сладкозвучная.

Радуйся, ниво, плодящая нравы благия;

Радуйся, саде, растящий дарования святая.

Радуйся, целомудрия вдовиц утверждение;

Радуйся, водительство благостынное нищих.

Радуйся, многих труды облегчающая;

Радуйся, стенания душевная пресекающая.

Радуйся, Тавифо, сосуде, благодати  
исполненный!

### **Кондак 6**

Проповедницами не токмо во Иоппии, но и во всей Церкви честней людие явишася, щедротами твоими, Тавифо, утешеннии, имя Христово прославляюще, вопиюще с тобою вкупе: Аллилуия.

### **Икос 6**

Искупление вечное во Христе обретшая и кровию Его честною освященная, искупи в

лишениях сущих рукама твоима  
щедродательныма, о всечестная, стелящих в  
нуждах, обаче же паки со упованием  
восклицающих:

Радуйся, небесное приявшая богатство;

Радуйся, обильно от него всем подающая.

Радуйся, сердце преогорченных веселие;

Радуйся, скорое вдовиц посещение.

Радуйся, печали разрешение;

Радуйся, благодати раздаятельнице.

Радуйся, яко обе руке в милости простираеши;

Радуйся, яко пламень нуждный угашаеши.

Радуйся, образ Божий в каждом усмотряющая;

Радуйся, сердца твоего и от нас не  
отвращающая.

Радуйся, скорбей житейских отгнание;

Радуйся, душ наших упование.

Радуйся, Тавифо, сосуде, благодати  
исполненный!

### **Кондак 7**

Содейственница явльшися учеником Спасовым,  
просвещения истиннаго Божественнаго  
исполнилася еси, и миру Христова показалася  
еси ученица, целомудренно житие твое  
исправльши, Тавифо, Богу вопияше: Аллилуия.

## **Икос 7**

Непорочным житием твоим, закона  
исполнением евангельского, благоплодная  
явилася еси в доме Божии маслина, яко же  
Давид провозгласи, богомудрая, елеем трудов  
твоих твоих веселящая всех, тебе вопиющих:  
Радуйся, благодати Божественныя гобзование;  
Радуйся, вражескаго обмана попрание.  
Радуйся, носительнице духа евангельского;  
Радуйся, свиреле законов богоданных.  
Радуйся, цвете благоуханнейший закона  
духовнаго;  
Радуйся, сосуде таинственнаго преисполненный  
веселия.  
Радуйся, яко добродетели деяньми изобилуеши;  
Радуйся, яко внутренняя сокровища твоя  
являеши.  
Радуйся, яко житие твое честно совершила еси;  
Радуйся, яко талант свой преумножила еси.  
Радуйся, ничесоже себе искавшая;  
Радуйся, единому Богу работавшая.  
Радуйся, тавифо, сосуде, благодати  
исполненный!

## **Кондак 8**

Сродником же и странным и всем  
труждающимся многократно послужила еси.  
Темже тя, милостивую, Христос Бог почти

премилостивый святости дарованием. Ему же воспеваеши присно: Аллилуия.

### **Икос 8**

Иже и в Раи сияющая благоутробия светлостию и нравы братолюбными, к Богу преставльшаяся в радости, Тавифо всеблаженная, яко божия причастница прославилася еси. Сего ради и мы, недостойнии, воспеваем ти сие:

Радуйся, ангелов спребывательнице;

Радуйся, лику святых сопричастнице.

Радуйся, светлость Христову созерцающая;

Радуйся, от плодов древа жизни вкушающая.

Радуйся, улучившая от славы преестественныя;

Радуйся, почести нетленныя сподобльшаяся.

Радуйся, дарами многообразными блистающая;

Радуйся, Господеви нас привождающая.

Радуйся, наследнице вечныя радости;

Радуйся, причастнице райския сладости.

Радуйся, яко о почитающих тя Христа умоляеши;

Радуйся, яко тех упование не посрамляеши.

Радуйся, Тавифо, сосуде, благодати исполненный!

### **Кондак 9**

Веры деяньми божественно украсившия яко же любви сокровищнице, небеснаго благаго

избрания причастницею явилася еси, Тавифо преславная. Того же избрания молитвами твоими и нас сподоби вопиющих: Аллилуия.

## **Икос 9**

Потоками твоя милости напои иже во глубоцей нужде люте жаждущих, Тавифо. Понеже, яко источниче сострадательных словес, сладостию глагол твоих утешительных изымаеши от всякия скорби тебе вопиющих:

Радуйся, доброт душепитательных неистощимый источниче;

Радуйся, небесных добродетелей богосиянный столпе.

Радуйся, рук твоих умением присным удивлявшая;

Радуйся, от трудов твоих ризами их одеявшая.

Радуйся, алчущих насыщение обильное;

Радуйся, печальных сострадание тихое.

Радуйся, многих уста утешения;

Радуйся, нагих одеяние спасения.

Радуйся, толкующим отверзающая;

Радуйся, просящих мудро обогащающая.

Радуйся, никоегождо неутешным оставляющая;

Радуйся, дары божественныя нам подающая.

Радуйся, Тавифо, сосуде, благодати исполненный!

## **Кондак 10**

Во смирении глубоце дела милосердия творила еси, от самых лишь близких знаемая. Обаче же Сердцеведец Бог тя прослави, да не скрывается светильник под спудом, но светит всем добрыми делами своими прославляючи Отца небеснаго: Аллилуия.

## **Икос 10**

Жития твоего, Тавифо, славу, аки крин белый венца цветонеувядаемаго Иисусова, Лука являет нам богомудрый боговещательно. Темже общее уверяя всех воскресение о тебе, со одра смертнаго воздвигнутой, радующихся:  
Радуйся, света небеснаго светильниче;  
Радуйся, образе жития добродетельнаго.  
Радуйся, Христова ученице, сосуде благодати;  
Радуйся, яко поставлена в Церкви его сияти.  
Радуйся, преисполненная небесных дарований;  
Радуйся, избавленная нечаянных искушений.  
Радуйся, непорочно во Иоппии пожившая;  
Радуйся, ангельскому житию поревновавшая.  
Радуйся, внутрь славу имущая, яко дочь царева;  
Радуйся, Божией Матери ревнующая в доброделании.  
Радуйся, Христово благоутробие приклоняющая;  
Радуйся, силу любви крепльшую смертных уз

являющая.

Радуйся, Тавифо, сосуде, благодати исполненный!

### **Кондак 11**

Песнь благодарственную Спасови, источник сострадания тебе даровавшему, приношаху иоппиистии люди, на всяк день благодеянии твоими напоями, Тавифо богоблаженная, воспевая с тобою вкупе: Аллилуия.

### **Икос 11**

Света незаходимаго приснозрительнице, от здешних к славе нетленной преставльшаяся, Тавифо сиятельная, и Сиона вышняго великолепием наслаждающаяся, молися о нас, воспевающих ти таковая:

Радуйся, яко в скинию вселилася еси Света умнаго;

Радуйся, яко сподобилася еси Христова сияния.

Радуйся, яко сладость любве источаеши;

Радуйся, яко прелесть горечь разоряеши.

Радуйся, от имений своих всечудная раздаятельница;

Радуйся, сокровищ нетленных всечестная стяжательнице.

Радуйся, ученик Христовых собеседнице;

Радуйся, верных Тому посреднице.

Радуйся, Троицу присно прославляющая;

Радуйся, спасение нам испрошающая.  
Радуйся, яко тобою от падений избавляемся;  
Радуйся, яко к Богу тобою привождаемся.  
Радуйся, Тавифо, сосуде, благодати  
исполненный!

### **Кондак 12**

Со святых лики и со ангелы присно радуешься,  
святая блаженная Тавифо, непреходящею о Бозе  
радостью, молися убо и о еже избавитися нам от  
всякия скорби душевныя. Яко да и мы  
славословити Бога в радости и воспевати  
сподобимся: Аллилуия.

### **Икос 12**

Хваляще воспеваем твоих, Тавифо, совершенств  
богатство. Но росу благоутробия Божественного  
и на нас свыше испроси, умилоствляющися о  
нас грешных тебе вопиющих:

Радуйся, селений вышних служительнице;

Радуйся, предстательнице наша и  
попечительнице.

Радуйся, апостолов славных спребывательнице;

Радуйся, истинной радости причастнице.

Радуйся, милосердия небеснаго богатство  
неистощимое;

Радуйся, и моя у Бога ходатаице непостыдная.

Радуйся, всякия беды отвращающая;

Радуйся, за всех Христа умоляющая.

Радуйся, душевную очищающая скверну;  
Радуйся, славу зрящая Божию.  
Радуйся, верных принимающая пение;  
Радуйся, испрошающая нам спасение.  
Радуйся, Тавифо, сосуде, благодати  
исполненный!

### **Кондак 13**

О богомудрая святая Тавифо блаженная,  
ученице Христа богоносная, прими наше пение  
сие яко приношение посильное, и ущедри ны от  
даров милости твоея, да Богу вопием вси:  
Аллилуия.

